

09. August 2019

Inatsisartut suleriaasianni § 33 naapertorlugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

**ATV-t qamuteralaallu inuussutissarsiutigalugu atornissaannut akuersissutaasumik allagartaqalernissaq pilerseqqullugu Naalakkersuisut Naalagaaffimmut attaveqarnissaannik peqquneqarnissaannik Inatsisartunut aalajangiiffigisassaattut siunnersuut.**

(Inatsisartunut ilaasorta q Henrik Fleischer, SIUMUT)

**Tunngavilersuineq:**

Takornariartitsisartut takornarianik misigisaqarusuttunik suliaqartut isumaqarput unamminarpallaalersimasoq takornariaqarnermik kikkulluunniit suliaqalersimammata killilersuisoqannginnera pissutigalugu.

Imarsiornermik Aqutsisoqarfik ilaasunik angallassinermut piumasaqaateqarpoq ilaasunik angallassinermi ilaasut aalajangersimasumik amerlassuseqaraangata, soorlu pikkorissaasoqartartoq aqqaneq marlunnik ilaasortaatilinnut.<sup>1</sup>

Taamaattoq ilaasunik angallassinermi ATV-nut qamuteralannullu piumasaqaateqartoqanngilaq. Tamanna soorunami qanoq pisoqariataartoqarnissaanut sillimasoqarnissaanut tunngasinnaavoq, kiisalu takornariartitsisunut aamma unamminartoqarsinnaalluni takornariat angallanneqartut aammalu suliffimmi sulisut sillimmasersortariaqarmata. Tamanna immaqa aqqinneqarsinnaavoq nutaamik aqqissuussinikkut, akuersissuteqaqqaarluni angallassisinnaaneq piumasaqaatalerpat, tamakkunani suliaqartut ilinniartillugillu akuersissuteqalersinnaammata.

**Aningaasatigut allaffissornikkullu pisortanut kingunerisassai:**

Isumalluutini atuinissaq naatsorsuutigineqarpoq AC-fuldmægtig atorineqassasoq ukiup ¼-ia kr. 125.000 naleqarluni.

**Aningaasatigut allaffissornikkullu privatimik inuussutissarsiortunut kingunerisassai:**

Naatsorsuutigineqarpoq siunnersuut nukittorsaataasumik privatimik inuussutissarsiortunut kinguneqarsinnaasoq, soorlulusooq suliainut tunngatillugu sillimmasiiniarnikkut atugassatigut.

**Aningaasatigut allaffissornikkullu innuttaasunut kingunerisassai:**

Soqanngilaq.

---

<sup>1</sup> (<https://maritim.gl/da/Kurser/Erhvervsuelighedsbevis-for-12pax-fartoejer>)